

《續修四庫全書》編纂委員會編

續修四庫全書

上海古籍出版社

五九一・史部・地理類

肇域志□□卷（存江南十一卷、浙江二卷、山東八卷、山西五卷、河南四卷、湖廣三卷、陝西十卷、雲南二卷、貴州一卷、廣東二卷、福建二卷）（山西五至河南四）〔清〕顧炎武撰……………

肇域志

崑山顧炎武

金史世宗紀大定六年三月甲寅上如西京庚申次
歸化州戊辰至西京 文德縣本漢女祁縣地元
魏置 可汗州清平軍下刺史本漢潘縣元魏置
北齊置北燕郡改懷戎縣隋廢郡屬涿郡唐武德
中復置北燕州縣仍舊貞觀八年改媯州五代時
奚王去諸以數千帳欲媯州自別為西奚號可汗
州太祖因之有媯泉在城中相傳舜嬪二女於此
又有溫泉版泉磨笄山雞鳴山喬山厯山統縣一

懷來縣本懷戎縣太祖改儒州晉陽軍中刺史唐置後唐同光二年隸新州太宗改奉聖州仍屬有南溪河沽河宋王峪桃峪口統縣一 涿山縣本漢廣盛縣地唐天寶中割媯州縣置蔚州忠顯軍上節度周職方并州川曰漚夷在州境飛狐縣趙襄子滅代武靈王置代郡項羽從趙歇為代王歇還趙立陳餘王代漢韓信斬餘復置代郡文帝初封代皆此地周宣帝始置蔚州隋開皇中廢唐武德四年復置至德二年改興唐縣乾元元年仍舊大中後朱耶執宜為刺史有功賜姓名李

德昌子克用乞為留後僖宗不許廣明初攻敗國
昌代北無備太祖來攻克之俘掠居民而去石晉
獻地升忠順軍後更武安軍統和四年入宋尋復
之降刺史隸奉聖州升觀察復忠順軍節度統縣
五 靈仙縣唐置興唐縣梁改隆化縣後唐同光
初復置晉改今名 定安縣本漢東安陽縣地久
廢後唐太祖伐劉仁恭次蔚州晨霧晦冥占不利
遂入會雷電大作燕軍解去即此遼置定安縣西
北至州六十里 飛狐縣後周大象二年置廣昌
縣於五龍城即此隋仁壽元年改名飛狐相傳有

山西五

二

狐於紫荆嶺食五粒松子成飛仙故云西北至州一百四十里 靈邱縣漢置後漢省東魏復置屬靈邱郡隋開皇中罷郡來屬大業初改隸代州唐武德六年仍舊東北至州一百八十里 廣陵縣本漢延陵縣隋唐為鎮州後唐同光初分興唐縣置石晉割屬遼東南至州四十里 應州彰國軍上節度唐武德中置金城縣後改應州後唐明宗州人也天成元年升彰國節度興唐軍襄州隸焉遼因之北龍首山南雁門統縣三 金城縣本漢陰館縣地漢末廢為陰館城大業末陷突厥唐始

置金城縣遼因之

渾源縣唐置有渾源川在州

東南一百五十里

河陰縣本漢陰館縣地初隸

朔州清寧中來屬

朔州順義軍下節度本漢馬

邑縣地元魏孝文帝始置朔州在今州北三百八

十里定襄故城葛榮亂廢高齊天保六年復置

在今州南四十七里新城八年徙馬邑即今城武

成帝置北道行臺周武帝置朔州總管府隋大業

三年改馬邑郡唐武德四年復朔州遼升義順軍

節度統州一縣三鄆陽縣本漢定襄縣地建安

中置新興郡元魏置桑乾即高齊置招遠郡隋開

朔州舊志

山西五

皇三年罷郡隸朔州大業元年初名鄆陽縣遼因之
遼縣齊天保六年於朔州西置招遠縣唐
乾元元年改今名遼因之有遼鎮東至朔州八
十里馬邑縣漢置屬雁門郡唐開元五年析鄆
陽縣東三十里置大同軍倚郭置馬邑縣南至朔
州四十里武州宣威軍下刺史趙惠王武川塞
魏置神武縣唐末置武州後唐改毅州重熙九年
復武州號宣威軍統縣一神武縣魏置晉改新
城後唐太祖生神武川之新城即此初隸朔州後
置州併遼遠為一縣來屬東勝州武興軍下刺

史隋開皇七年置勝州大業五年改榆林郡唐貞觀五年於南河地置決勝州故謂此為東勝州天寶七年又為榆林郡乾元元年復為勝州太祖神冊元年破勝武軍勝州之民皆趨河東州廢晉割伐北來獻復置統縣二榆林縣河濱縣金肅州重熙十二年西夏置割燕民三百戶防秋軍一千實之河清軍西夏歸遼開直路以趨上京重熙十三年建城號河清軍徙民五百戶防秋兵一千人實之

實錄洪武六年十月丙子上以山西弘州蔚州定安

武朔天城白登東勝豐州雲內等州縣北邊沙漠
屢為胡寇虜掠乃命指揮江文徙其民居於中立
府凡八千二百三十八戶計口三萬九千三百四
十九 永樂十一年十月己酉山西緣邊烟墩成
先是從江陰侯吳高請於緣邊修築烟墩至是東
路自天戒衛至榆林口直抵西朔州衛煖會口西
路自忙牛嶺直抵東勝路至黃河西對岸灰溝村
烟墩皆成高五尺有奇四圍城高一丈五尺外開
濠壘吊橋門道上置水櫃煖月盛水寒月積冰墩
官軍三十一人守瞭以繩梯上下皆上所規畫也

洪熙元年閏七月朔州衛軍士白榮言大同蔚朔古雲中之地西北皆沙漠國朝設行都司於大同又設東勝高山等十衛緣邊守禦建文中諸衛皆入內地惟留安東中屯一衛於朔州乞以高山等十衛仍舊守邊則虜寇不敢窺伺上謂行在兵部臣曰天下無事邊防正當嚴飭况西北尤爲切要但軍士安居既久一旦遽遷恐人情不使其會五府六部官計議以聞 正統元年九月戊午大同鎮都督方正言臣等比奉勅計議邊事竊惟大同境外溝多山少三面受敵設立馬營難爲經久

情當作情

筆當作刺

滋當作印

兵下奪部字

惟半嶺紅寺兒之地舊有廢營可以修築就遣
原選官軍督指揮孫智等分領馬隊往來巡捕哨
探賊情報耀兵威有警併力追剿無事閉營耕種
如是則士馬休而能以逸待勞矣從之 十一月
乙未徙夫同煖會堡於淨水瓶 三年三月丙戌
設大同威遠衛先是行在刑部尚書魏源總兵官
左都督陳懷等言大同淨水坪係賊出沒要地宜
設軍衛事下行在兵議行通巡按監察御史陳穀
奏平定州蒲州二守禦所軍有全伍今又增寄操
軍千四百四十餘人宜調補他處兵部遂請以二

所多餘軍調淨水坪立威遠衛從之 九月癸未
山西安東中屯衛百戶周諒言故東勝州廢城西
瀕黃河東接大同南抵偏頭關北連太山榆陽等
口其中有亦兒山東西坦平二百餘里其外連亘
官山等山竇胡虜出沒往來必經之地臣愚以為
若屯軍此城則大同右衛淨水坪偏頭關水泉堡
四處營堡皆在其內可以不勞戍守每遇冬月就
命口將統領四處守備官軍於此駐劄備禦待春
乃回既不重勞軍馬又不虛費糧儲非惟藉以捍
蔽太原大同而延安綏德亦得以保障矣事下兵

部請餉大同總兵等官陳懷等議以聞從之 九年八月戊辰巡撫大同宣府僉都御史羅亨信言
大同新築威遠衛城壁不堅操備軍士僅三百人
又多遺勇編發者未經戰陣萬一虜寇越淨水坪
直犯威遠何以支持臣愚以為宜於淨水坪復立
馬營仍舊摘撥馬步官軍千人於此守備則虜人
不敢突入而大同亦得以保障矣事下兵部請命
總兵官計議以聞從之

金史西京路大定五年建宮室名其殿曰保安其門
南曰奉天東曰宣仁西曰阜成天會三年建太祖

原廟 大同府 縣七 大同倚郭遼析雲中置
金因之有牛皮關武周山方山奚望山盛樂城御
河關雞臺平城外郭鹽場如渾水河桑乾河純真
山有遼帝后像在華嚴寺 鎮一奉義 雲中晉
舊縣名一宣靈遼德州昭聖軍宣德縣大定八年
更名有官山彌陀山石綠山產碾玉沙 鎮一窟
龍城 懷安晉故縣名 天成遼析雲中置 白
登本名張清一 大定七年更有白登臺採掠山
懷仁遼新雲中置貞祐二年升為雲州有黃花嶺
錦屏山清涼山金涼山早起城日中城 鎮一安

州入大同

七 瞳

豐州 秦為上郡北境晉屬新興郡後為赫連勃勃所據先魏屬雲中郡後周置永豐鎮隋開皇三年改永豐縣五年陞為州大業口年罷為五原郡義寧元年改為歸順郡唐武德元年省郡復為豐州置總管六年省貞觀四年分靈州之境置豐州都督府十二年罷入靈州十三年又置天寶元年改為九原縣乾元元年復為豐遠於此置富民縣為豐州治所金為天德軍節度又為置招討使元為豐州屬西京路後省富民縣入州屬大同路本朝